




第一三八八冊

四庫全書

●上海古籍出版社

本冊目次

石倉歷代詩選(二)

明曹學佺編……………一

欽定四庫全書

集部

石倉歷代詩選卷四十七

詳校官廉吉士臣范逢恩

侍讀臣孫球覆勘

總校官進士臣朱

校對官編修臣潘曾起

膳錄監生臣蔣翰

欽定四庫全書

石倉歷代詩選卷四十七

明曹學佺編

中唐一

錢起

字仲文

酬王維春夜行亭贈別

山月隨客來主人興不淺今宵竹林下誰覺花源遠惆

悵曙鶯啼孤雲遠絕巘

欽定四庫全書

石倉歷代詩選卷四十七

夢尋西山準上人

別處秋泉聲至今猶在耳何嘗夢魂去不見雪山子新

月隔林時千峰翠微裏言忘心更寂跡滅雲自起

過桐柏山

秋風過楚山山靜秋聲晚賞心無定極仙步亦清遠返

照雲竇空寒流石苔淺羽人昔已去靈跡欣方踐投策

謝歸途世緣從此遣

早渡伊川見舊作

鷓鴣鳴早霜秋水寒旅涉漁人昔隣舍相見具舟楫出
浦興未盡向山心更悵村落通白雲茅茨隱紅葉東臯
滿時稼歸客欣復業

登秦嶺半巖遇雨

屏翳忽騰氣浮陽慘無暉千峰挂飛雨百尺搖翠微震
電閃雲徑奔流翻石磯倚巖假松蓋臨水羨荷衣不得
采苓去空思乘月歸且憐東臯上水色侵荊扉

田園雨後贈鄰人

欽定四庫全書

石倉歷代詩選
卷四十七

安排任性偃卧晚開戶樵客荷蓑歸向來春山雨殘

雲虹未落返景霞初吐時鳥鳴村墟新泉遶林圃堯年

尚恬泊鄰里成太古室邇人遂遙相思怨芳杜

送輞川至南山寄谷口王十六

山色不厭遙我行隨處深跡幽青蘿連思絕孤霞岑獨

鶴引遠浦鳴猿呼入林褰裳百泉裏一步一清心王子

在何處隔雲鷄犬音折麻定延佇乘月期招尋

藍田溪與漁者宿

獨遊屢忘歸況此隱淪處濯髮清冷泉月明不能去更
憐垂綸叟靜若沙上鷺一論白雲心千里滄洲趣蘆中
夜火盡浦口秋山曙歎息分枝禽何時更相遇

太子李舍人城東別業

南山轉羣木昏曉擁山翠小澤近龍居青蒼常雨氣若
家北原上千金買勝事丹闕退朝迴白雲迎賞至新晴
村落外處處煙景與片水明斷岫餘霞入古寺東臯指
歸翼目盡有餘意

欽定四庫全書

石倉歷代詩選
卷四十七

谷口新居寄同省朋故

種黍傍烟溪榛蕪無沮洳亦知生計薄所貴隱身處橡
栗石上材莓苔水中路蕭然授衣日得此還山趣汲井
受秋泉結茅因古樹閒雲與幽鳥對我我不能去寄謝駕
騶羣狎鷗羨所慕

酬陶六辭秩歸舊居見東

靖節昔高尚令孫嗣清微舊廬雲峰下獻歲車騎歸去
俗因解綬憶山得米薇田疇春事起里巷相尋稀淵明

醉乘興開門祇掩扉花禽驚曙月鄰女上鳴機畢娶願
已果養恬志寧違吾當掛朝服同爾緝荷衣

過沈氏山居

鷄鳴孤煙起靜者能卜築喬木出雲心閒門掩山腹貧
交喜相見把臂歡不足空林留宴言永日清耳目泉聲
冷樽俎荷氣香僮僕往往仙犬鳴樵人度深竹酒酣出
谷口世網何羈束始願今不從區區折腰祿

贈東隣鄭少府

欽定四庫全書

石倉歷代詩選
卷四十五

四

一聞白雪唱願見清揚久誰謂結綬來得陪趨府後小
邑藍溪上早棲悵所偶接宇復連牆片月亦攜手草色
同春迎鶯聲共高柳美景百花時平生一杯酒聖朝法天
地以我為芻狗秩滿歸白雲期君訪谷口

真氣重嶂裏知君嘉遁幽山階歷丹穴藥井通伏流道
者帶經出洞中攜我遊欲騁白霓去且為紫芝留忽憶
武陵事別家疑數秋

畫鶴篇省中作

點素凝姿任畫工霜毛玉羽照簾櫳借問飛鳴華表上
何如粉繒彩屏中文昌宮近芙蓉闕蘭室綢繆香且結爐
氣朝成緤嶺雲銀燈夜作華亭月日暖花明梁燕歸應
驚片雪在仙闌主人願盼千金重誰肯徘徊五里飛

賦得青城山歌送楊杜二郎中赴蜀軍

蜀山西南千萬重仙經盡說青城峰青城巖峯倚天碧
遠壓蛾眉吞劔壁錦屏雲起易成霞玉洞花明詎知夕
星臺二妙逐王師阮瑀軍書王粲詩日落猿聲連玉笛

欽定四庫全書

石倉歷代詩選
卷四十五

五

晴來山翠傍旌旗綠蘿春月營門近知君對酒遙相思

送崔校書從軍

雁門太守能愛賢麟閣書生亦投筆寧惟玉劔報知已
更有龍韜佐師律別馬連嘶出御溝家人幾夜望刀頭
燕南春草傷心色薊北黃雲滿眼愁聞道輕生能擊虜
何嗟少壯不封侯

送張將軍征西

長安少年惟好武金殿承恩爭破虜沙場烽火隔天山

鐵騎征西幾歲還戰處黑雲霾瀚海愁中明月度陽關
玉笛聲悲離酌晚金方路極行人遠計日霜戈盡敵歸
回首我城空落暉始笑子卿心計失徒看海上節旄稀
送崔十三東遊

千里有同心十年一會面當杯綬笏柱候忽催離雲丹
鳳城頭噪晚鴉行人馬首夕陽斜灞上春風留別袂關
東新月宿誰家官柳依依兩鄉色誰能此別不相憶

送褚大落第東歸

欽定四庫全書

石倉歷代詩選
卷四十五

離琴彈苦調美人慄向隅頃來荷策干明主還復扁舟
歸五湖漢家側席明敎久豈意遺賢在材藪玉堂金馬
隔青雲墨客儒生皆白首昨夢芳洲采白蘋歸期且喜
故園春穉子思陶令至文君不厭馬卿貧刺中風月
久相憶池上舊遊應再得酒熟寧孤芳杜春詩成不枉
青山色念此那能不羨歸長楊諫獵事皆違他日東流
一乘興知君爲我掃荆扉

效古秋夜長

秋漢飛玉霜北風掃荷香含情紡績孤燈盡拭淚相思
寒漏長簷前碧雲靜如水月弔樓烏啼鳥起誰家少婦
事駕機錦幕雲屏深掩扉白玉窻中聞落葉應憐寒女
獨無衣

山齋獨坐喜玄上人夕至

舍下虎谿遲煙霞入暝開柴門無竹靜山月與僧來心
螢蓮花水言忘綠茗杯前峰曙更好斜漢欲西迴

早下江寧

欽定四庫全書

石倉歷代詩選
卷四十五

暮天微雨散涼吹片帆輕雲物高秋節山川孤客情霜
蘋留楚水寒雁別吳城宿浦有歸夢愁猿莫夜鳴

登復州南樓

孤樹延春日他山捲曙霞客心湖上雁歸思日邊花行
李迷方久歸期涉歲賒故人雲路隔何處寄瑤華

和萬年成少府寓直

赤縣新秋夜文人藻思催鐘聲自仙掖月色近霜臺一
葉無螢度孤雲帶雁來明朝紫書下應問長卿才

秋夕與梁鍾文宴

客到衙門下林香蕙草時好風能自至明月不須期秋
日翻荷影晴光脆柳枝留歡美清夜寧覺曉鐘遲

題精舍寺

勝景不易遇入門神頓清房房占山色處處分泉聲詩
思竹間得道心松下生何時來此地擺落世間情

和人秋歸終南山別業

舊居三顧後晚節重幽尋野逕到門盡山窻連竹陰昔

欽定四庫全書

石倉歷代詩選
卷四十七

年鶯出谷今日鳳歸林物外凌雲操誰能繼此心

下第題長安客舍

不遂青雲望愁看黃鳥飛梨花度寒食客子未春衣世
事隨時變交情與我違空餘主人柳相見却依依

裴迪南門秋夜對月

夜來詩酒興月滿謝公樓影閉重門靜寒生獨樹秋鶴
驚隨葉散螢遠入煙流今夕遙天永清光幾處愁

宿新里館

愁人待曉難秋雨暗淒淒度燭螢時滅傳書雁漸低客

來知計誤夢裏泣津迷無以逃悲思寒窗舊處啼

送元評事歸山居

憶家望雲路東去獨依依水宿隨漁父山行到竹扉寒
花催酒熟山犬喜人歸遙羨書窻下千峰出翠微

送武進韋明府

理邑想無事鳴琴不下堂井田通楚越津市半漁商虛
橘垂殘雨紅蓮圻早霜送君催白首歸夢獨思鄉

欽定四庫全書

石倉歷代詩選
卷四十七

送衛功曹赴荆南

漢家仍用武才子晚成名惆悵江陵去誰知魏闕情碧
雲愁楚水春酒醉宜城定想褰帷政還聞坐嘯聲

送陸郎中

事邊仍戀主舉酒復悲歌粉署含香別轅門載筆過鶯
聲出漢苑柳色過漳河相憶情難盡離居春草多

送僧歸日本

上國隨緣至來途若夢行浮天滄海遠去世法船輕水

月通禪觀魚龍聽梵聲惟憐一燈影萬里眼中明

送楊嶧擢第遊江南

行人臨水去新詠復新悲萬里高秋月孤山遠別時挂
帆嚴子瀨醇酒敬亭祠歲晏無芳杜如何寄所思

送原公南遊

有意無程去飄然二足輕故鄉多久別春草不傷情洗
鉢泉初暖焚香曉更清自知難解縛何日伴師行

送衡陽歸客

欽定四庫全書

石倉歷代詩選
卷四十七

歸客愛鳴榔南征憶舊鄉江山追宋玉雲雨憶荆王醉
裏宜城近歌中郢路長憶君從此去日夕望三湘

送唐司馬赴郢州

少年從事好此去別愁輕滿坐詩人興隨君郢路行薰
葭侵驛樹雲水抱山城遙愛下車日江臯春草生

歲暇題茅茨

谷口逃名客歸來遂野心薄田供歲酒喬木卧幽禽溪
路春雲重山廚夜火深桃源應漸好仙客許相尋

酬盧十一過宿

乞還方未遂日夕望雲林況復逢青草何妨問素心閑
門公務散枉策故情深遙夜他鄉宿同君梁父吟

崔十四宅問候

曉日早鶯啼江城旅思迷微官同寄傲移疾阻招攜遠
水閭闔內青山雉堞西王孫莫久卧春草欲萋萋

東臯早春寄郎四校書

祿微賴學稼歲起歸衡茅窮達戀明主耕桑亦近郊夜
欽定四庫全書

石倉歷代詩選
卷四十七

來霽山雪陽氣動林梢蘭蕙暖初吐春鳩鳴欲巢蓬萊
時入夢知子憶貧交

玉山東溪題李叟屋壁

霞景已斜照煙溪方暝投山家歸路僻轍跡亂泉流野
老林薇暇蝸廬招客幽麝香麝空荒院鷓鴣步閒疇偶此
愜真性令人輕宦遊

南溪春耕

荷蓑趣南還戴勝鳴條枝溪雨有餘潤土膏寧厭開溝

滕花落盡未相度雲迴誰道耦耕者仍無勝賞催日長
農有暇悔不帶經來

省試湘靈鼓瑟

善鼓雲和瑟常聞帝子靈馮夷空自舞楚客不堪聽苦
調淒金石清音入杳冥蒼梧來怨慕白芷動芳馨流水
傳瀟湘悲風過洞庭曲終人不見江上數峰青

題玉山村吏壁

谷口好泉石居人能陸沈牛羊下山小烟火隔雲深一

欽定四庫全書

石名歷代詩選
卷四十七

上

逕入溪色數家連竹陰藏虹辭晚雨驚隼落殘禽涉趣
皆流目將歸羨在林却思黃綬事辜負戴芝心

藥堂秋暮

隱來未得道歲去愧雲松茅屋空山暮荷衣白露濃惟
憐石苔色不染世人蹤潭靜宜孤鶴山深絕遠鐘有時
丹竈上數點綠霞重龜事壺公術仙期待赤龍

禁闌翫雪寄薛左丞

玄雲低禁苑飛雪滿神州虛白生臺榭寒光入冕旒粉

凝宮壁靜乳結洞門幽細繞迴風轉輕隨落羽浮起濤
堆砌石新月孕簾鉤為報詩人道豐年誦聖猷

暮春過石龜谷題溫處士園林

隱几無名老何年此陸沈丘園自得性婚嫁不嬰心歲
計因山薄霞栖在谷深設置連草色曬藥背松陰觸興
雲生岫隨耕鳥下林揶揄笑來客頭上有朝簪

宿畢侍御宅

交情貧更好子有古人風晤語清霜裏平生苦節同心

欽定四庫全書

石名歷代詩選
卷四十七

上

惟二仲合室乃一瓢空落葉寄秋菊愁雲低夜鴻薄寒
燈影外殘漏雨聲中明發南昌去迴看御史驄

適楚次徐城

去家隨旅雁幾日到南荆行邁改鄉邑苦辛淹晦明畏
途在淫雨未晚息趨程窮木對秋館寒鴉愁古城迷津
坐為客對酒默含情感激念知己匣中孤劍鳴

閒居酬張起居見贈

在林非避世守拙自離羣弱羽謝風水窮愁依典墳良

知不遐棄新詠獨相聞能使幽興苦生忘清景曠前山
帶喬木暮鳥連歸雲向夕野人思難忘騎省文

山下別杜少府

把手意難盡前山日新低情人那忍別宿鳥尚同棲寸
晷戀言笑佳期欲阻睽離雲愁出岫去水咽分溪莊東
幾虛說楊朱空自迷傷心獨歸去秋草更萋萋

夜宿靈臺寺寄郎士元

西日橫山含碧空東方吐月滿禪宮朝瞻雙頂青冥上
欽定四庫全書

石名臣代詩選
卷四十七

夜宿諸天色界中石潭倒飲蓮花水塔院空聞松栢風
萬里故人能尚爾知君視聽我心同

和李員外扈駕幸溫宮

未央月曉度疎鐘鳳輦時巡出九重雪霽山門迎瑞日
雲開水殿候飛龍輕寒不入宮中樹佳氣常熏仗外峰
遙羨枚臯尾仙躡偏承霄漢渥恩濃

長信怨

長信螢來一葉秋蛾眉淚盡九重幽鵲鵲觀前明月度

芙蓉闕下絳河流駕食久別難為夢鳳管遙聞更起愁
誰分昭陽夜歌舞君王玉輦正淹留

送李評事赴潭州使幕

湖南遠去有餘情頻葉初齊白芷生謾說簡書催物役
遙知心賞緩王程興過山寺先雲到嘯引江帆帶月行
幕下由來貴無事佇聞談笑靜黎甯

九日宴浙江西亭

詩人九日憐芳菊筵客高齋宴浙江漁浦浪花搖素壁
欽定四庫全書

石名臣代詩選
卷四十七

西陵樹色入秋窻木奴向熟懸金實桑落新開瀉玉缸
四子醉時爭講習笑論黃霸舊為邦

和王員外晴雪早朝

氍毹晴雪帶恩光繞仗偏隨駕鸞行長信月留寧避曉
宜春花滿不飛香獨看積素凝清禁已覺輕寒讓太陽
題柱成名蕪絕唱風流誰繼漢田郎

題延州聖僧穴

定力無涯不可稱未知何代坐禪僧默默山門宵閉月

熒熒石壁畫然燈四時樹長書經葉萬歲嵒懸拄杖藤
昔日捨身緣救鶴今時出見有飛鷹

寄永嘉王十二

永嘉風景別新年才子詩成定可憐夢裏還鄉不相見
天涯憶戴復誰傳花傾曉露垂如淚驚拂遊絲斷若絃
願得回風吹海雁飛書一宿到君邊

山中酬楊補闕見過

日暖風恬種藥時紅泉翠壁薜蘿垂幽溪鹿過苔還靜
欽定四庫全書

石倉歷代詩選
卷四十五

七

深樹雲來鳥不知青瑣同心多遙興春山載酒遠相隨
却慚身外牽纓冕未勝杯前倒接羅

江行望匡廬

咫尺愁風雨匡廬不可登祇疑雲霧窟猶有六朝僧

赴章陵謝李卿贈別

一官叨下秩九棘謝知音芳草大園路春愁滿別心

逢俠者

燕趙悲歌士相逢劇孟家寸心言不盡前路日將斜

宿洞口館

野竹通溪冷秋泉入戶鳴亂來人不到芳草上階生

石井

片霞照仙井泉底桃花紅那知幽石下不與武陵通

古藤

引蔓出雲樹垂綸覆巢鶴幽人對酒時苔上閒花落

石上苔

淨與溪色連幽宜松露滴誰知古石上不染世人跡

欽定四庫全書

石倉歷代詩選
卷四十五

七

遠山鐘

風送出山鐘雲霞度水淺欲知聲盡處鳥滅寒天遠

東陂

永日興難忘撥芳春陂曲新晴花枝下愛此苔水綠

送歐陽子還江華郡

江華勝事接湘濱千里湖山入興新才子思歸催去棹

汀花且為駐殘春

暮春歸故山草堂

谷口春殘黃鳥稀
辛夷花盡杏花飛
始憐幽竹山窗下
不改清陰待我歸

歸雁

瀟湘何事等閒回
水碧沙明兩兩飛
二十五弦彈夜月
不勝清怨却飛來

秋夜送趙冽歸襄陽

斗酒忘言良夜深
紅螢露滴鵲驚林
欲知別後思今夕
漢水東流是寸心

欽定四庫全書

石倉歷代詩選
卷四十八

過故洛城

故城門前春日斜
故城門裏無人家
市朝欲認不知處
漢漢野田空草花

九日田舍

今日吾家野興偏
東籬黃菊映秋田
浮雲暝鳥飛將盡
始到青山皓月前

石倉歷代詩選卷四十七

欽定四庫全書

石倉歷代詩選卷四十八

中唐二

明 曹學佺 編

劉長卿

字文房
河間人

題王少府堯山隱處簡陸鄆陽

故人滄洲吏深與世情薄
解印二十年委身在丘壑
買田楚山下妻子自耕鑿
羣動心有營孤雲本無着
因收

欽定四庫全書

石倉歷代詩選
卷四十八

谿上釣遂接林中酌對酒春日長山村杏花落

晚次湖口有懷

霽然空水合目極平江
暮南望天無涯孤帆落何處
項為衡湘客頗見湖山趣
潮氣和楚雲夕陽映江樹
帝鄉勞想望萬里心來去
白髮生扁舟滄波滿歸路
秋風今已至日夜雁南度
木葉辭洞庭紛紛落無數

陪元侍御遊支硎山寺

支公去已久寂寞龍華會
古木閉空山蒼然暮相對
林巒非

一狀水石有餘態密竹藏晦明羣峰爭向背香氣空翠中猿聲暮雲外留連南臺客想像西方內因逐溪水還觀心兩無礙

夕次礬石湖夢洛陽親故

天涯望不盡日暮愁獨去萬里雲海空孤帆向何處寄身烟波裏頗得湖山趣江氣和楚雲秋聲亂楓樹如何異鄉縣日復懷親故遙與洛陽人相逢夢中路不堪明月裏更值清秋暮倚棹對滄波歸心共誰語

負謫後登于越亭作

欽定四庫全書

石倉歷代詩選
卷四十八

天南愁望絕亭上柳條新落日獨歸鳥孤舟何處人生涯投越徵世業陷胡塵杳杳鍾陵暮悠悠鄱水春秦臺悲白首楚澤怨青蘋草色迷征路鶯聲傍逐臣獨醒空取笑直道不容身得罪風霜苦全身天地仁青山數行淚滄海一窮鱗牢落機心盡惟憐鷗鳥親

留題李明府雲溪水堂

寥寥此堂上幽意復誰論落日無王事青山在縣門雲峰向高枕漁釣入前軒晚竹疎簾影春苔雙履痕荷香

隨坐卧湖色映晨昏虛牖閒生白鳴琴靜對言暮禽飛上下春水帶清潭遠岫誰家柳孤煙何處村謫居投瘴癘離思過湘沅從此扁舟去誰堪江浦猿

禪智寺上方懷演和尚寺即和尚所創

絕巘東林寺高僧惠遠公買園隋苑下持鉢楚城中斗極千燈近煙波萬井通遠山低月殿寒木露花宮紺宇焚香淨滄洲擺霧空雁來秋色裏龍起早潮東飛錫今何在蒼生待發蒙白雲翻送客庭樹自辭風捨筏追開

欽定四庫全書

石倉歷代詩選
卷四十八

士迴舟狎釣翁平生江海意惟共白鷗同

奉陪蕭使君入鮑達洞尋靈山寺

山居秋更鮮秋江相映碧獨尋滄洲路如待挂帆客遂使康樂侯披榛着屐屐入雲開嶺道永日尋泉脉古寺隱青冥空中寒磬夕蒼苔絕行徑飛鳥去無迹樹杪下歸人水聲過幽石任情趣愈遠移步奇屢易蘿木靜濛濛風煙深寂寂徘徊未能去畏共桃源隔

孫權故城下懷古無送友人歸建業

雄圖爭割據神器終不守上下武昌城長江竟何有古
來壯臺榭事往悲陵阜零落幾人家猶依數株柳威靈
絕想像蕪沒空林叢野徑春草中郊扉夕陽後逢君從
此去背楚方東走烟際指金陵潮時過湓口行人已何
在臨水徒揮手惆悵不能歸孤帆沒雲久

京口懷洛陽舊居兼寄廣陵二三知己

川闊悲無梁鶴然滄波夕天涯一飛鳥日暮南徐客氣
混京口雲潮吞海門石孤帆候風進夜色帶江白一水
欽定四庫全書

石倉歷代詩選
卷四十八

阻佳期相望空脉脉那堪歲方盡更使春夢積故國胡
塵飛遠山楚雲隔家人想何在庭草為誰碧惆悵祇傷
情滄浪有餘跡嚴陵七里灘攜手同所適

雨中登沛縣樓贈表兄郭少府

楚澤秋更遠雲雷有時作晚陂帶殘雨白水昏漠漠佇
立收烟氣洗然靜東郭卷簾高樓上萬里看日落為客
頻改火辭家尚如昨小邑務常閒吾兄宦何薄高標青
雲器獨立滄江鶴惠愛原上情殷勤丘中諾何當遂良

願歸卧青山郭

對雨贈濟陰馬少府考城蔣少府兼獻成武五
兄

繁雲蕪家思彌望連濟北日暮微雨中州城帶秋色蕭
條主人靜落葉飛不息鄉夢寒更頻蟲聲夜相逼二賢
縱橫器久滯賢勞職笑語和風騷雍容事文墨吾兄即
時彥前路良未測秋水百丈清寒松一枝直此心欲引
託誰為生羽翼且復頓歸鞍杯中雪胸臆

欽定四庫全書

石倉歷代詩選
卷四十八

吳中聞潼關失守因奉寄淮南蕭判官

一雁飛吳天羈人傷暮律松江風嫋嫋波上戾帆疾木落
姑蘇臺霜收洞庭橘蕭條長洲外惟見寒山出胡馬嘶
秦雲漢兵亂相失關中因竊據天下共憂慄南楚有瓊
枝相思怨瑤瑟一負寄滄洲萬里看白日赴敵甘負戈
論兵勇投筆臨風但攘臂擇木時委質不如歸遠山雲
卧飯松栗

奉使新安自桐廬縣經嚴陵釣臺宿七里灘下

寄使院諸公

悠然釣臺下懷古時一望江水自潺湲行人獨惆悵新安從此始柱榻方蕩漾連嶮去不斷對嶺遙相向夾岵黛色愁沈沈綠波上夕陽連古木水鳥拂寒浪月下扣船聲煙中采菱唱猶憐負羈束未暇依清曠牽役徒自勞近名非所向何時故山裏却醉松花釀迴首惟白雲孤舟復誰訪

題武丘寺

欽定四庫全書

石名歷代詩選

六

青林武丘寺林際翠微路仰見山僧來遙從飛鳥處茲峰論寶玉千載惟丘墓埋劍人空傳鑿山龍已去捫蘿披翳蒼路轉夕陽遽虎嘯崖谷寒猿鳴山松暮徘徊北樓上江海窮一顧日映千里帆鷗歸萬家樹斲因悵所適果得捐外慮庭暗樓閒雲簾香滴甘露久迷空寂理多為繁華故永欲投死生餘生豈能誤

奉饒鄭中丞罷浙西節度還京

天上移將星元戎罷龍節三軍含怨慕橫吹聲斷絕五

馬嘶城隅萬人臥車轍滄洲浮雲暮香香去帆發迴首不問家歸心遙向闕煙波限吳楚日夕事淮越弔影失所依側身隨下列孤蓬飛不定長劍光未滅綠綺為誰彈紅芳堪自擷悵然江南春獨此湖山月千里懷去思百憂變華髮頌聲滿江海今古流不竭

送裴四判官赴河西軍試

吏道豈易愜如君誰與儔逢時將騁驥臨事無金牛絕叔幸相知田蘇頗同遊英資挺孤秀清論含古流出塞

欽定四庫全書

石名歷代詩選

七

佐持簡辭家擁鳴騶憲臺貴公舉幕府資良義武士佇明試皇華難久留陽臺望天盡洮水令人愁萬里有鳥曠然煙霞收晚花對古戍春雪含邊州道路雖暫隔音塵那可求他時相望處明月西南樓

旅次丹陽郡遇康侍御宣慰召幕兼別岑單父

客心暮千里迴首煙花繁楚水度歸夢春江連故園羈人懷上國驕虜窺中原胡馬暫為害漢臣多負恩羽書晝夜飛海內風塵昏雙鬢目已白孤舟心且論繡衣從